

Hysbysiad Preifatrwydd Uned Llywodraethu Gwybodaeth

Mae Uned Llywodraethu Gwybodaeth Cyngor Bwrdeistref Sirol Conwy yn casglu, yn prosesu ac yn cadw gwybodaeth, yn cynnwys gwybodaeth bersonol, er mwyn darparu gwasanaethau i chi.

Rydym yn gyfrifol am reoli'r wybodaeth sydd gennym ni ac yn nodi bod y wybodaeth hon yn bwysig i chi. Rydym yn cymryd ein cyfrifoldebau o ddifri a byddwn yn defnyddio gwybodaeth bersonol yn deg, yn gywir ac yn ddiogel, yn unol â gofynion cyfreithiol y ddeddfwriaeth Diogelu Data gyfredol.

Mae'r hysbysiad yma'n darparu gwybodaeth breifatrwydd i bobl sydd yn cysylltu â'r Uned Llywodraethu Gwybodaeth. Mae'n disgrifio sut y byddwn yn casglu, yn defnyddio ac yn rhannu gwybodaeth bersonol amdanoch chi a'r mathau o wybodaeth bersonol y mae angen i ni ei phrosesu, yn cynnwys gwybodaeth y mae'r gyfraith yn ei ddisgrifio fel 'data categori arbennig' oherwydd ei sensitifrwydd.

Mae Hysbysiad/Hysbysïadau Preifatrwydd Cyngor Bwrdeistref Sirol Conwy ar gael drwy'r ddolen ganlynol.

[Hysbysiad Preifatrwydd Llawn Cyngor Bwrdeistref Sirol Conwy - Cyngor Bwrdeistref Sirol Conwy](#)

Pwrpasau a sail gyfreithiol dros brosesu

Rydym yn casglu eich gwybodaeth bersonol at y dibenion canlynol:

- Prosesu ceisiadau Rhyddid Gwybodaeth/ Rheoliadau Gwybodaeth Amgylcheddol.
- Ymateb i Geisiadau gan Unigolion i Weld Gwybodaeth Amdanynt eu Hunain GDPR y DU a Cheisiadau Hawliau Gwrthrych y Data eraill.
- Delio gyda phob mater Diogelu Data yn cynnwys unrhyw achosion honedig o fynediad di-awdurdod at ddata.

Y sail gyfreithiol dros hyn yw erthygl 6(1) GDPR y DU.

- (a) os yw gwrthrych y data wedi rhoi caniatâd i'r data personol gael ei brosesu am un neu fwy o bwrpasau penodol; neu
- (c) mae angen y prosesu i gydymffurfio gyda rhwymedigaeth gyfreithiol sydd arnom.
- (e) mae prosesu yn angenrheidiol ar gyfer cynnal tasg a ymgwymerwyd er budd y cyhoedd neu wrth ymarfer awdurdod swyddogol a roddwyd i'r rheolydd;

Os ydi rhywfaint o'r wybodaeth rydych chi'n ei ddarparu mewn cysylltiad â'r ceisiadau gwybodaeth yn cynnwys data categori arbennig, megis gwybodaeth am iechyd, y sail gyfreithiol rydym ni'n dibynnu arni i'w brosesu yw erthygl 9(2)

- (a) os yw gwrthrych y data wedi rhoi caniatâd i'r data personol gael ei brosesu am un neu fwy o bwrpasau penodol.
- (g) mae angen ei brosesu fel rhan o'n tasg gyhoeddus.

Rhannu gwybodaeth/derbynyddion

Mae'n bosibl y gallwn ni rannu a derbyn gwybodaeth bersonol amdanoch chi gyda'r mathau canlynol o sefydliadau:

- Swyddfa'r Comisiynydd Gwybodaeth
- Adrannau mewnol eraill y Cyngor
- Awdurdodau Lleol eraill

Ni fyddwn fel arfer yn rhannu eich gwybodaeth gyda sefydliadau eraill, serch hynny mae'n bosibl y bydd yna amgylchiadau penodol lle byddwn yn rhannu gwybodaeth, er enghraifft pan mae'n rhaid i ni wneud hynny yn ôl y gyfraith, i ddiogelu diogelwch y cyhoedd, pan fydd perygl o niwed neu mewn sefyllfaoedd o argyfwng. Dim ond isafswm o wybodaeth ofynnol ar gyfer y pwrpas fydd yn cael ei rannu.

Eich hawliau gwybodaeth

Dan Ddeddfwriaeth Diogelu Data, mae gennych chi fel "Gwrthrych Y Data", yr hawliau canlynol.

Mae gennych hawl:

- Gweld yr wybodaeth rydym yn ei chadw amdanoch.
- Gofyn i ni gywiro unrhyw wybodaeth amdanoch sy'n anghywir. Gellir gwneud newidiadau i gamgymeriadau bach megis newid cyfeiriad, ond bydd yn dibynnu ar y diben.
- Gwneud cais i'r cofnodion a gedwir amdanoch gael eu dileu.
- Cyfyngu ar ddefnydd o'r wybodaeth a gedwir amdanoch os ydych wedi mynegi eich gwrthwynebiad, tra ymchwilir i'r gwrthwynebiad.
- Gwneud cais i unrhyw wybodaeth rydych wedi ei darparu i ni gael ei dychwelyd atoch mewn ffurf y gallwch ei rhoi i ddarparwr gwasanaeth arall os oes angen.
- Gwrthwynebu defnyddio eich gwybodaeth bersonol, gan gynnwys gwneud penderfyniadau a phroffiliau awtomatig.
- Gwneud cwyn i Swyddfa Wybodaeth y Comisiynydd os nad ydych yn fodlon gyda'r ffordd y mae'r wybodaeth amdanoch wedi ei thrin.

Sut i gysylltu â ni

I arfer unrhyw rai o'ch hawliau o dan y ddeddf Diogelu Data, cysylltwch â ni:

- drwy e-bost - uned.llyw-gwyb@conwy.gov.uk
- dros y ffôn - 01492 574016
- drwy'r post:

Cyngor Bwrdeistref Sirol Conwy
Blwch Post 1
Conwy
LL30 9GN

Os nad ydych yn fodlon â'r ymateb y byddwch yn ei dderbyn gennym mae gennych hawl i wneud cwyn i Swyddfa'r Comisiynydd Gwybodaeth:

Swyddfa Comisiynydd Gwybodaeth Cymru
2il Lawr
Tŷ Churchill
Ffordd Churchill
Caerdydd
CF10 2HH

Gwefan: [Swyddfa Cymru | SCG](#)

